

BOCHOR REAK 27AK ATHWAR - B

Onor

Kristre adi manotan dularia Go-Baba, boeha-miserako- jotoko Jisu maran

Teheñ do bochor reak bar gel eyakyak Athwar kana.

Teheñak bhage sombat re do bapla babotrebon anjoma. Bapla jion do mitten Isorteak hoho kana. Bapla do Isorak pontha re rehegakana ar onate nia do mitten sacrament kana. Bapla do dular reak jo kana. Bapla do mit din lagit do ban menkhan gujuk gobolre seterok habic lagit kana. Aboak bapla jion bon aribandiema.

Teheñbon kulikma:

- Cet inak bapla jion do Isorak pontha leka menaka se ban?
- Gharonj re do bapla jion mitten dan leka se kosto lekan neleda?
- Isor em gidrako do, Uniak dan leka se bhul reak jo lekan nelletkoa?
- Gharonj re dular ar dupular do jaoge menaka se ban?
- Bapla jion hotete sonotok reak daharin panjaeda se ban?

Pahil Pat

Sirjau reak puthikhon tehenak pahil pat Genesis 2:18-24

[18] Ar Probhu Isor doe menkeda, "Manwa eskar taken do ban bhagea. In do uni lagit' mit'ten lek lekan gateñ benaoaea." [19] Ar Probhu Isor do hasa khon otreñ okoe jiwiyanko ar cotren cērēkoe benaolet'ko onko sanamko uni manwa thene aguket'koa. Probhu do neñele khojkeda, onko do cet' menteye hohoakoa mente. Ar uni okoetak' oka lekae nutumkede onkage onko jiwiyankoak' nutum do hoyena. [20] Uni do sanam lekan asul janwarko ar bir janwarko ar sermaren cērēkoe nutumket'koa, menkhan onko modre uni herel manwaren, metak'me Adamren lek lekan gate do bako namlena. [21] Probhu Isor do Adame japit' ocokede, ar onate Adam doe japit'keda. Ar unre uni khon mit'ten panjrae oðokket'te ona jaega doe jel eset'kada [22] Ar Probhu Isor do Adam khon oneye oðokket' panjrate mit'ten maejiue benaokedete Adam thene idikedea. [23] Uni nelte Adame menkeda, "Nitok' do hoyakana. Nuiyak' jan ar jel do inak' jan ar jel khonge benao akana. Ar herel horak' hormo khone benao akante nui do maejiue nutum ocoyena. [24] Ona iate manwa do engat-apat bagikate ac'ren bahu tuluc' mit' akane tahena ar unkin do mit' hormokin hoyok'a.



Noage Probhuak Katha do...

Serení ruarók orhẽ 127:1-2, 3, 4-5, 6

Probhu bare aboak jion reak joto dinkoreye bhorabonma.

1. Bhorangeako onko, okoe Probhuko bitoraekan

Ar Uniak horkoreko tarametkana

Amak tikin reak kamitem jom asuloka

Ar suk arem borketoka.

2. Armren rrahor do joan dak-nari leka

Amak orak talareye hoyoka

Ar amren gidrako dojaitun dare reak pohako lekage

Amak mej berhaeteko tudra acuroka

3. Probhui bitoraekan hor do nonkageye bhorocoka

Probhu do amaaak jion reak joto dinkore

Sion khon bareye bhoramma

Borketan Jirusalem barem nelma

Ar adi din bahaokate

Amren hoponkoren hoponko barem nelkoma

Israel bare suluktei tahenma!

Dosar Paj

Ibriko lagit Puthi khonak tehenak Dosar Paj 2:9-11

[9] menkhan abo do Jisu bon nelname kana. Uni do serma godetko khon thora gharic'e hudin ocolena, jemon Isorak' dayate mimit' manwako lagit' jiwiyem dareak'. Uni do duk sahaokateye goc'lente man ar thonok reak' raj mukute dan akawadea. [10] Sanamak' do Isor lagit' kangea ar uni hotetege sanamak' do hoyakana. Onate adi utar hoponko ac'ak' mahimaren bhagiyadarko hoyocoko lagit' Jisu do duk jom talate sabit ocoye reak' lek tahkantaea. [11] Ente sonot ocoyic' ho ar sonot ocok'ko ho mit'tec' khon kangeako. Onate Jisu do onko horo boeha mente hohowako do bae lajaok' kana.

Noage Probhuak Katha do...

Sarhao Aran

Alleluia!

Aboren dupularokkhan,

Isor do aboreye tahena,


Ar Uniak dulaj do abore purage hoyoka.

Alleluia!

BHAGE SOMBAT

Sonot Markuse olaḡat leka Bhage Sombat Mark 10:2-16

[2] Un jokhec' adom Pharusiko do hec'kate Jisu biḡaue laḡit'ko kulikedeade, "Moseyak' an lekate jãhãe hoḡ rinic'tet'e baḡiye do ganok'taea se baña?" [3] Jisui metat'koa, "Mose do cet' hukume em akawat'pea?" [4] Onkoko menkeda, "Bapag dolel olaete baḡiye reak'e hukum akada." [5] Jisui metat'koa, "Apeak' keḡec' mon iate Mose do noa hukume olat'pe tahẽkana. [6] Menkhan noa hõ ol menak'a, sirjon reak' etohop're 'Isor do herel ar maejiukategeye sirjauket'kina. [7] Ona iate manwa do eḡat-apat baḡikate ac'ren baḡu tuluc' mit'akane tahena, [8] ar unkin do mit' hoḡmokin hoyok'a.' Onate ar bar hoḡ dokin bañkana menkhan mit' hoḡmo kanakin. [9] Onate Isor okae joḡao mit'akat' manwa do ona aloe topagma." [10] Ona tayom oḡak'teko boloyen khan celako do arhõ ona reaño kulikedeade. [11] Unreye metat'koa, "Jãhãege ac'ren baḡu baḡikate eḡak' maejiue baplaye uni do ac'ren baḡuttet' uparteje laḡghaḡeda. [12] Ar baḡu hõ hereltet' baḡikate eḡak' hoḡ ḡhene jãwãelen khan eḡekhan uni hõe laḡghaḡa." [13] Ado kaḡic' gidḡako Jisu ḡhenko aḡuket'koa jemon uni do capokateye bhorako. Menkhan celako do onkoko dhomkaoket'koa. [14] Jisu do ona nelkate bae kusilente celakoe metat'koa, "Kaḡic' gidḡako in ḡhen hec' ocoakope, alope manakoa; ente Isorak' raj do nonkankoak' kangea. [15] Saḡigeñ metapekana, okoe kaḡic' gidḡako leka Isorak' raj bae atañ, uni do okalekate hõ, Isorak' rajre bae bolo daḡeak'a." [16] Ona tayom Jisu do onko kaḡic' gidḡakoe hoborket'koa ar bohok're capokateye bhorat'koa.



Noage Probhuak Jisuk Bhage Sombat do...

Dhorom Galmarao

Kristre aḡi manotan ḡulariḡa Go-Baba, boeha-miserako- jotoko Jisu marañ

Bapla jion do baha bagan re rohoeakat' baha lekana; oka do monjte joton lekhae haraka ar bañ joton lekhan do, aḡi usaḡage mosodoka. Noa jug re bapla jionko do kanaḡ leka rapuḡdok bon nelakada, bagan reak' baha leka mosodokbon nelakada, hoḡok re horokakat' candi mala tupagok leka hõ bon nelakada.

Haḡurakan cando dosar din nelle laḡit' 12 ghonta somoyyem taḡi le khan ge ruaḡoḡa, menkhan bapla jion re aḡakan Bisaaḡ sara jibonem taḡi lekhan hõ bañ ruaḡoḡa. Paḡisa lobh te kuḡiko, laḡtuba takoko baplaeyet'koa, menkhan nit haḡicte nonka bañ añjomakana je koḡako paḡisa lobhte laḡtugo takoko baplaeyet'koa. Cet' noa bapla jion tirejuge taḡhẽna ?

Teheñ noa mobile jug re naḡwã bapla juri-pari talare mit' hoḡ eḡak' hoḡak' mobile bako joḡetocokakana? Teheñ nellokkana je juri-pari talare je am inaḡ hoḡmo haḡiñ re seledokme menkhan inaḡ mobile do tisce bañ joḡetocokama. Jodi nonka hoyokkan khan tobe cet' lekate bapla jion saḡige jo-bahaka? Noa do cet' lekate saḡi ḡularbon metaḡa mente.

Saḡi ḡular do jaoge do chapri enec taḡandi re do bañ namaḡa. Bapla Jodi hoḡmo nelkatec' hoyok' khan ona bañ taḡhẽna cedak' je hoḡmo teak' ḡular do hoḡmo mosodok' khange cabaka menkhan mone nelkate bapla ḡular do tirejuge ge taḡhẽna. Gharonj re okoḡa besuluke aḡuetkana? Naḡwã bapla kate baḡu kuḡiko do nijer jãwãe saḡote eskar re taḡhẽn sanakoa ar onate gharonj ren joto horge bahu kuḡiren baḡiriko hoyokkana. Gharonj re besuluk' do aema karon te hijukkana.

Bapla jion do tinaḡ din laḡit' kana? Cet' bapla do saḡige jaejug laḡit' kana se mit' din laḡit'ge?

Dharti sirjau laha khon, bapla do mit' din lagit' do ban' menkhan mangar' gupi auri calak' habic' reak' jion kana. Bapla jion do sonot hoyok' reak' hoho kana. Jisua' jobab hotete niage bujhaukana je bapla kate juri-pari jion do Isor hotete tarhaoakan pontha kana. Pharisi ko do Jisu bidau lagit'ge niako kuliedikana, "Moseyak' an lekate jahae hor' rinic'tet'e bagiyee do ganok'taea se baia?" ar Jisu noa reak' jobab do hor' koak' sana metao lagit' do ban', hor'ko raska ema lagit' do ban' menkhan Isorak' pontha laiakoe menjonkana.

1. Bapla do Isorak' pontha kana (Markus 10:6-8):

Jisu gadel hor'ko Sirjau puthi reak' jos kathae disocuyet'koa, "Tayomte Isor do ac'leka mit'ten manaae benaokedea. He ac'ak' mut'han lekageye benaokedea, uni do herel ar maejiukategeye sirjauket'kina" (Sirjau puthi 1:27). Bapla jion reak' pontha do manwawak' pontha do ban' kana menkhan noa do Isorak' maran' pontha kana. Bapla jion hotete Isorak' pontha sodorokkana. Bapla do bar hor' mit'thenkin reak' pontha do ban' menkhan barea monekin mit'then agu reak' pontha kana.

2. Bapla do barea mone tolmit' reak' pontha kana (Mk 10:8):

Bapla do barea mone tolmit' reak' Isorak' pontha kana. Ona iate Jisui menetkana, "sirjon reak' etohop're 'Isor do herel ar maejiukategeye sirjauket'kina. [7] Ona iate manwa do engat-apat bagikate ac'ren bahu tuluc' mit'akane tahena, [8] ar unkin do mit' hormokin hoyok'a.' Onate ar bar hor' dokin bankana menkhan mit' hormo kanakin". Unkin do ar do bar hor' do ban' menkhan mit' hor'gekin lekhakkana. Unkin do eken hormo sec' lekate mik' hor' do ban' menkhan mon sec' lekate, atma sec' lekate, metakme sanam sec' lekate mit' hormokin hoyokkana. Unkin tala reak' miduk' do Jisu ar girja reak' miduk' barabari kana.

3. Bapla do hanapuri sao-saote calak' habic' reak' dahar kana (Mk 10:9):

Bapla jion do eken hormo sebel din moto lagit' do ban' kana menkhan jiwu miru udu calak' habic' reak' dahar kana. Onate Jisui menetkana, "Onate Isor okae jorao mit'akat' manwa do ona aloe topagma." Isorak' pontha leka te bapla do tisge ban' tupagokka. Bapla kate juri-pari benao hor' do tisge baki' apan- apin dayeyaka. Oka Isor sama' re bapla sacrament hotete tolakan, ona do tisge okoe hor' ho bako topak' dayeyaka. Bapla jion re dular, ika-ipikak' ar man-manot do adi jarura. Dular, ika-ipikak' ar man-manot reak' ranko do larhai-jhogra oktere bebhar jarura tobe ge bapla jion do raskawanak' hoyoka ar ban' khan do jiwet' tahn okte rege norok' reak' dorshon hoyoka.

4. Apan-apinok' do Isorak' pontha re do banuka (Mk 10:2-12):

Bapla kate apan-apin tahn do Isorak' pontha re do banuka. Jion reak' muskilak' re manwawak' budhi lekate Musa okte re bapla somsa reak' samadha hoelena, menkhan ona do samadhan do ban' tahnkana. Mit'ten bhul mit' hajar dhao hoelen khan ho ona do bhulge lekha'ka ar ona do bhage do ban' lekha'ka. Manwawak' kai ar bhul karon tea pan-apinok' reak' muskil hijukkana, menkhan noa do Isorak' pontha do ban' kana. Apan-apinok' te somosa reak' samadhan do ban' hoyokkana menkhan muskil do ar ho latuk' kana.

5. Gidrako do Isor khon dan kanako (Mk 10:13-16):

Bapla jion lagit', gidrako do Isorak' maran' dan kanako. Bapla jion re, gidra ko do dular ren jo kanako. Bapla jion re gidra ha'ao do jarur gea. Onate Jisui menetkana, "okoe katic' gidrako leka Isorak' raj bae atan, uni do okalekate ho, Isorak' rajre bae bolo dareak'a." gharonj re gidra ko do Isorak' dan leka atan jarura. Gidra ko do juri-pariwak' bhul reak' jo do ban' menkhan Isorak' sahai reak' cinhakana.

Dela joto hor' lagit' bon koema jemon juri-pari talare sari dular janamokte, gharonj to laha idik'.

Nehor Koe

Kristre dularia Go-Baba, boeha-miserako, aboren Probhu Jisu do noa kathae menakada, “Kaŕic’ gidrako in then hec’ ocoakope, alope manakoa; ente Isorak’ raj do nonkankoak’ kangea.” Dela unibon ataniin ar uni leka bon hoyok. Dela aboak koe- arojko, unibon samaŕaema. **Aboak roŕ ruaŕ do:**

E Probhu aleak koeko anjomtaleme.

E Baba Isor, ale do aleren Girjaren Gukipic, Dhorom Papa Pharancis lagit’le nehorokkana, dayatamte, amak dular reak umulre dohokaeme jemon uni do bapla sakrament reak bhedko jaoge girjareye jogao dohoe ar sanam horko then niŕ reak bhedko sanamkoe bujhau ocokko. Noa lagit’ debon koema.

E Probhu aleak koeko anjomtaleme.

E Baba Isor, ale do ale dhorom subaren ayuic aboren Bishop Baba- lagit’le nehorokkana, dayate amak daya dular ar amak dante pereckaeme jemon uni do diocese re bapla jion reak rehet kathako gadel horcoe emako ar sanam hor do bapla sacrament reak met teko nel. Noa lagit’ debon koema.

E Probhu aleak koeko anjomtaleme.

E Baba Isor, ale do sanam dharti manwako lagit’ nehorokkana, daya kate amak sahaite pereckome jemon pahil hoyok sanam hor do gharonj re gidrako Isorak dan hisabteko atanko ar korŕa gidra ar kurŕi gidra soman metteko nelko. Noa lagit’ debon koema.

E Probhu aleak koeko anjomtaleme.

E Baba Isor, ale do ale atu-tolaren juan kora-kuriko lagit’le koeyet’kana, Amak daya-dular unko cetan re jhalkao ocueme jemon unko do bapla jion lagitko sapraote, ona reak pontha leka jion kemaoko lahak. Noa lagit’ debon koema.

E Probhu aleak koeko anjomtaleme.

E Baba Isor, ale onko sanam isaŕ boeha-miserako lagit’le koeyet’kana, okoe ko do duba dak karonte nijor halotre menakko, dayatamte amak bhor dan de jarŕakome jemon niŕ halotre kisar ko do goŕo lagitko lahak ar niŕ kosto khon ko saharo. Noa lagit’ debon koema.

E Probhu aleak koeko anjomtaleme.

E Baba Isor, ale nonde hajir menakko sanam isaŕ boeha-miserako lagit’le koeyet’kana dayatamte amak bhor dan de jarŕaleme jemon gharonj re sarŕi dular taken te sanam ko dular ar dupular reko hara-buruk. Noa lagit’ debon koema.

E Probhu aleak koeko anjomtaleme.

Aayuric: E Babarcaoic Jisu, ale amle sarhaoetmea cedakje am do dharti sirjau khon bapla do mitten sakramentem doho aguakada. De goŕo emalem jemon ale do gharonj jion amak sahae re tahetele kemaŕo ar am then le sorok. Ini aleren Probhu Krist hotete. **Amen.**